

CONVENIO DE COLABORACIÓN ENTRE A EPE PORTOS DE GALICIA E O CONCELLO DE PONTECESO PARA A CONSERVACIÓN E MANTEMENTO DAS OBRAS DE REMODELACIÓN DO PORTO DE CORME, ASÍ COMO DAS INSTALACIÓN S DE SERVIZOS E ZONAS DE ESPAREXEMENTO NO DOMINIO PÚBLICO PORTUARIO DE CORME.

José Antonio Álvarez Vidal, en nome e representación da Entidade Pública Empresarial EPE Portos de Galicia, na súa calidade de Presidente, cargo para o que foi nomeado por Decreto 101/2023, do 29 de xuño (D.O.G. do 30 de xuño), con domicilio aos efectos deste convenio na Praza de Europa, nº 5A, 6º, Área Central, Polígono de Fontiñas, 15707 Santiago de Compostela (A Coruña), actuando en virtude das facultades que a tal efecto lle confiren os artigos 12.3.a) e 12.3.g) da Lei 6/2017, de 12 de decembro, de EPE Portos de Galicia (D.O.G. do 14.12.2017).

Doutra parte, D. José Manuel Mato Martínez, Alcalde-Presidente do Concello de Ponteceso, con domicilio aos efectos deste convenio en Rúa do Concello, s/n; 15110 Ponteceso (A Coruña), facultado para este acto en virtude das competencias que lle recoñece o artigo 21.I.b) da Lei 7/1985, de 2 de abril, reguladora das bases do Réxime Local e o 61.1º.a) da Lei 5/1997, do 22 de xullo, de Administración Local de Galicia.

Ámbalas dúas partes, na calidade na que cada unha intervén, recoñécense mutuamente a capacidade legal necesaria para o outorgamento deste convenio e para o efecto,

EXPOÑEN

A entidade pública empresarial Portos de Galicia, conforme aos artigos 1, 2 e 4 da súa lei 6/2017, de 12 de decembro, de Portos de Galicia, ten entre os seus obxectivos básicos, o fomento das actividades comerciais e industriais relacionadas co tráfico portuario, a integración dos portos no entorno municipal e social dinamizando a actividade portuaria e cultura do mar, e en xeral o fomento da actividade económica no eido dos portos en beneficio da comunidade concentrada na súa zona de influencia.

Pola configuración xeográfica dos nosos portos chegan a mesturarse os usos portuarios e os servicios prestados aos nosos usuarios profesionais cos servicios que se prestan á cidadanía en xeral e moitas das redes de servicios e as instalacións a eles dedicadas dan resposta a ambas necesidades. Son exemplos claros as redes de saneamento (tanto de pluviais como de fecais) ademais das instalacións de tratamento relacionadas.

Por todo isto é básico dispoñer de información suficiente do discorrer das canalizacións que conforman estas redes así como da configuración dos seus elementos e instalacións asociadas e dispoñer de ferramentas de mantemento e control que permitan una xestión eficiente das mesmas. Así mesmo requírese que a asignación de medios e funcións sobre os espazos se regulen dun modo claro e concreto.

No ano 2003 Portos de Galicia levou a cabo unha importante actuación de remodelación integral das instalacións portuaria e da fachada marítima desta vila mariñeira, co fin de rexenerar e conservar, tanto a fachada marítima coma as propias instalacións portuarias.

Froito desta actuación, así coma das zonas verdes e espazos de esparexemento xa existentes; Corme e o seu porto, teñen unha configuración na que existen uns espazos de clara integración





no núcleo urbano e destinados ó desfrute e esparexemento de veciños e visitantes desta vila, claramente diferenciados dos espazos estritamente portuarios; nunha zona de interconexión do porto co núcleo de poboación, servindo así de solución de continuidade entre a poboación e o porto cun uso fundamentalmente aberto ó público.

Por outra banda, pola configuración xeográfica do porto de Corme, mestúranse os usos portuarios e os servicios prestados aos nosos usuarios profesionais cos servicios que se prestan á ciudadanía en xeral, polo que moitas das redes de servicios e as instalacións a eles dedicadas dan resposta a ambas necesidades. Son exemplos claros as redes de saneamento (tanto de pluviais como de fecais) ademais das instalacións de tratamento relacionadas, así coma as redes de abastecemento de auga potable e alumeadoo público.

Trala solicitude do Concello de Ponteceso de data 11-02-2022 de autorización para a realización da actuación "Dotación de redes separativas de saneamento na rúa Xeneral Mourelle e outros (Corme Porto)"; considérase que a figura mais axeitada para regular esta actuación e os usos descritos é a do establecemento dun convenio de colaboración asinado entre a EPE Portos de Galicia e o Concello de Ponteceso, para a conservación e mantemento dos espazos de urbanización, esparexemento e integración porto-cidade; destinados esencialmente ao desfrute da ciudadanía.

No que respecta ós elementos, non estritamente portuarios e que, polo tanto, correspondería manter e conservar ó Concello de Ponteceso, serían:

- Elementos de urbanización e mobiliario urbano sito no ámbito de actuación do convenio: varandas, bancos, luminarias, papeleiras, bolardos, esculturas, etc
- Pavimentos e explanadas, e os seus complementos: arquetas, reixiñas, etc
- Xardinería, plantas, e outros elementos vexetais
- Redes de servizos municipais: abastecemento, saneamento (incluíndo as súas instalacións, tales como tanques de tormentas e bombeos), pluviais e eléctricas e telecomunicacións: incluíndo tanto a conservación e mantemento das citadas liñas coma os consumos eléctricos ou de auga que, de ser o caso, se produzan.

. En particular ten interese en mellorar a eficiencia enerxética das instalacións de tratamento de augas residuais.

CLAUSULAS

PRIMEIRA. OBXECTO. -

O obxecto do presente convenio é o establecemento das bases de colaboración entre Portos de Galicia e o Concello de Ponteceso para a conservación e mantemento das obras de remodelación do porto de Corme, así como das instalacións de servizos e zonas de esparcemento no dominio publico portuario de Corme, obras de saneamento e para a execución das obras do proxecto de "Dotación de redes separativas de saneamento na rúa Xeneral Mourelle e outros (Corme Porto)", redactado polo ICCP Pablo Blanco Ferreiro en xaneiro de 2022





SEGUNDA. COMPROMISOS DO ENTE PÚBLICO PORTOS DE GALICIA

Coa sinatura do presente convenio

Portos de Galicia autoriza a execución das obras do proxecto de "Dotación de redes separativas de saneamento na rúa Xeneral Mourelle e outros (Corme Porto)", redactado polo ICCP Pablo Blanco Ferreiro en xaneiro de 2022

Portos de Galicia autoriza ao concello de Ponteceso a intervención nos terreos de dominio público portuario obxecto do presente acordo segundo os planos anexo e para os fins dispostos de prestacións de servicios urbanos, habilitando ao Concello para a xestión ordinaria das instalacións en chan portuario sen prexuízo da necesidade de comunicación das tarefas ordinarias e a autorización portuaria para as que impliquen obras ou modificacións así coma as que poidan supoñer interferencias para a operativa portuaria. Portos de Galicia comprométese a dar preferencia ás necesidades de servicio das redes e dar resposta no prazo inferior a 2 meses das solicitudes presentadas polo Concello, a contar dende que se produza o acordo da comisión de seguimento do convenio.

Autoriza ao concello de Ponteceso para o mantemento integral do viario integrado na trama urbana, así coma das superficies de espaxeamento, varandas, redes de servizos, indicados nos planos que se acompañan e que definen o ámbito de aplicación do presente convenio, sen que esta autorización implique a perda das facultades de xestión e explotación vencelladas aos fins de Portos de Galicia nin supón un cambio de titularidade ou cualificación xurídica dos bens e terreos portuarios.

Comprometese a autorizar ao concello á instalación de contedores estancos de residuos para a posterior xestión dos mesmos polo concello.

A intervención do Concello na recollida de residuos

Nin as anteriores autorizacións, nin os pactos e as obrigas estipuladas neste convenio supoñen alteración da titularidade ou cualificación xurídica dos bens e dereitos portuarios afectados nin da súa xestión e explotación, vinculados aos fins portuarios, manténdose a prevalencia da competencia portuaria.

A adscrición acadará plena eficacia co levantamento da acta de comprobación do reformulo das obras co contratista conforme ao artigo 236 da Lei 9/2017, de Contratos do Sector Público. Para tal efecto, a dito acto comparecerá un representante do Concello de Ponteceso e outro de Portos de Galicia. As obras executadas en DPP quedaran da titularidade de Portos de Galicia, libres de cargas e gravames.

TERCEIRA. COMPROMISOS DO CONCELLO DE PONTECESO

Coa sinatura do presente convenio, o concello de Ponteceso obligase a:

O Concello de Ponteceso comprometese a execución das obras do proxecto de Dotación de redes separativas de saneamento na rúa Xeneral Mourelle e outros (Corme Porto)" por un orzamento de 234.736,73 euros e con cargo a anualidade 2023





Expedir todos os permisos e autorizacións que fosen necesarios para a execución das obras, sen tributo, prezo ou exención reguladora algunha contra portos de Galicia, Administración Autonómica.

Financiación de parte das obras relativas, entre outras, a servizos municipais e definidas tecnicamente no proxecto , segundo o seguinte cadro e anualidades:

| IMPORTE | TOTAL COMPROMISOS | ANUALIDAD |
|--------------------------------------|-------------------|-----------|
| ORZAMENTO BASE DE LICITACIÓN SEN IVE | 193.996,46 € | 2023 |
| IVE | 40.739,26 € | |
| TOTAL IVE INCLUÍDO | 234.735,73 € | |

A propiedade de cantas obras e elementos de todo tipo se incorporen ás instalacións obxecto deste convenio na parte en que son executadas en dominio público portuario, corresponderá a Portos de Galicia, gratuitamente e libre de cargas e gravames, quedando estas, de pleno dereito e por efecto directo deste convenio, incorporadas ao tal dominio público portuario de Corme.

→ MANTEMENTO VIARIO E DO ENTORNO DO MESMO

- No que respecta ós elementos, non estritamente portuarios e que, polo tanto, correspondería manter e conservar ó Concello de Ponteceso, estámonos a referir a:
- Elementos de urbanización e mobiliario urbano sito no ámbito de actuación do convenio: varandas, bancos, luminarias, papeleiras, bolardos, esculturas, etc
- Pavimentos e explanadas, e os seus complementos: arquetas, reixiñas, etc
- Xardinería, plantas, e outros elementos vexetais
- Redes de servizos municipais: abastecemento, saneamento (incluíndo as súas instalacións, tales como tanques de tormentas, bombeos, etc.), pluviais e eléctricas: e telecomunicacións incluíndo tanto a conservación e mantemento das citadas liñas coma os consumos eléctricos ou de auga que, de se-lo caso, se produzcan a demanda municipal.
- Recollida de residuos.

→ No relativo as redes de servizos de ABASTECIMENTO E SANEAMENTO:

- Unha vez rematadas as obras, o concello incorporará como Anexo III deste convenio que se integrará como parte obrigacional deste, a información detallada das canalizacións así como os elementos e instalacións ou puntos singulares que conforman cada rede de servicio municipal en chan portuario. En particular aporta:





- Un listado a modo de inventario con indicación dos parámetros principais: (1) localizacións en coordenadas UTM incorporables a GIS do comezo e finalización dos tramos, conexións e elementos singulares (rexistros, puntos de vertido, cadros, etc.), (2) lonxitudes, (3) seccións, (4) materiais, e (5) outros parámetros que caractericen a rede como a súa capacidade (5a) e as acometidas existentes (5b).
- Representación gráfica en plano .dwg editable dos elementos inventariados.
- ORDENANZAS DE SERVIZOS E NORMAS RELACIONADAS: reguladoras relacionadas cas prestacións dos servicios detallados neste convenio. Adicionalmente indicarase se o/s servicio/s se presta/n por xestión directa ou por terceiros en virtude de contrato administrativo.
- No caso das instalacións de alumeados, remitirase copia do boletín e do contrato de subministro formalizado para garantir o pago dos consumos propios.
- ACTUALIZACIÓN DA INFORMACIÓN: o Anexo III deberán ser actualizados cada vez que unha modificación o requira. Será o Concello o que teña a obriga de remitir dita actualización xunto coa solicitude de modificación que quedará incorporada ao presente convenio.
- MANTEMENTO E GARANTÍA DE SERVICIO: O Concello asume o mantemento ordinario e extraordinario da totalidade da rede da súa titularidade así como da parte que discorra por zona portuaria e xestionará as avarías que se poidan producir nela, obligándose á reparalas nos prazos establecidos nas súas ordenanzas. Calquera actuación deberá ser comunicada previamente á xefatura de zona de Portos de Galicia para a súa autorización. Débese acordar pola comisión de seguimiento do convenio, que dará traslado para a súa aprobación polos órganos competentes. As ditas actuación, en todo caso, implicarán a actualización do inventario do anexo I. De ser preciso unha intervención de urxencia a dita comunicación extemporánea deberá acreditarse de xeito suficiente.
- PERMISOS: O Concello é responsable de tódolos permisos relacionados coa prestación do servicio obxecto de convenio, en particular de tódalas tramitacións relacionadas con puntos de vertido, control de calidade das augas ou legalización sectorial das redes e instalación ante os órganos competentes. Así como as autorizacións sectoriais en materia de medio ambiente e patrimonio cultural, no seu caso.
- TRAMITACIÓN DE ENGANCHE Á REDE
 - O Concello (ou no seu caso a empresa xestora do Servizo) no marco das súas competencias será o responsable da tramitación das autorizacións de enganche ás redes que reciban dos particulares, sen prexuízo da execución da actuación que se detalla no punto 7.





- As solicitudes que poida recibir Portos de Galicia que non proveñan do mesmo Concello ou de persoa xurídica subrogada na súa posición non serán admitidas e serán devoltas ao usuario non portuario.

- Se a necesidade de enganche ou acometida provira dun usuario portuario, Portos de Galicia poderá decidir de xeito alternativo remitila ao Concello para a súa tramitación ou autorizar o dito enganche, incorporándoo ao correspondente título administrativo de titularidade do solicitante, de por si coa soa comunicación ao Concello de dita actuación, sendo neste caso Portos de Galicia o responsable da actualización do inventario e dos planos.

- **EXECUCIÓN DE ACOMETIDAS:**

- O Concello ou a persoa xurídica que actúe pola súa conta en virtude de contrato administrativo será o responsable da execución das obras autorizadas por Portos de Galicia. Para a execución das acometidas solicitadas por particulares deberá achegar o formulario descriptivo da actuación, que poderá aglutinar varias acometidas a realizar sobre a mesma rede.

- As canalizacións executaranse de acordo ás directrices indicadas por Portos de Galicia e se reporán cos pavimentos anteriores no seu defecto ou segundo o indicado en cada autorización particular de obra, en función da tipoloxía do pavimento/s existente/s.

- Se a execución das obras se realizara mediante contrato administrativo, o Concello deberá estipular no prego reitor do contrato que a garantía definitiva do contratista responderá tamén dos danos e prexuízos que a execución das obras poida causarlle a Portos de Galicia

- En ningún caso poderá ser executada a acometida por un particular.

- **CIRCUNSTANCIAS EXTRAORDINARIAS:** Se por circunstancias extraordinarias Portos de Galicia considerase necesarias actuacións sobre as redes de servicios ou os propios servicios, reclamará ao Concello a adopción de medidas urxentes. Se estas non foran tomadas en prazo razonable, en todo caso superior a 10 días, poderá Portos de Galicia executalas por si mesmo e reclamar ao Concello os gastos incorridos.

- **REDE DE SANEAMENTO:**

- **S1. PARÁMETROS DE ENTRADA:** O Concello garantirá que os caudais incorporados á rede de saneamento cumpran cos parámetros establecidos na lexislación de augas e vertidos.

- **S2. PARÁMETROS DE VERTEDURA E PUNTO DE VERTEDURA:** O Concello garantirá que os caudais vertidos ás augas cumpran cos parámetros establecidos na lexislación de augas e verteduras. Os puntos de vertedura estarán localizados e debidamente legalizados ante o organismo de conca competente.





- **S3. ATENCIÓN A VERTEDURAS:** O Concello responderá cos seus medios e á maior brevidade ante calquera vertedura que se produza con orixe a súa rede.
- **REDE DE ABASTECIMENTO:**
 - **A1. CAUDÁIS E CONDICIÓN S SANITARIAS:** O Concello garantirá que os caudais subministrados cumpran os parámetros establecidos na lexislación de augas e sanitaria. En particular vixiará as condicións sanitarias dos puntos de captación empregados.
 - **A2. REPARACIÓN DE FUGAS:** O Concello responderá cos seus medios e á maior brevidade ante calquera fuga que poida comprometer o subministro dos usuarios ou a operativa portuaria.

CUARTA. COMISIÓN DE SEGUIMENTO. -

Dentro do prazo de quince días, a contar dende a data de asinamento deste convenio, crearase unha Comisión Mixta de seguimento e control da execución do convenio, que resolverá as controversias que puideran xurdir.

Serán función desta comisión:

- Impulsar e avaliar o cumprimento do presente convenio naqueles aspectos técnicos obxecto deste, propoñendo aquelas actuación que se consideren precisas.
- Propoñer á partes a resolución das posibles controversias que puidesen xurdir na aplicación do presente convenio.

Esta comisión reunirase as veces que se estimen oportunas para o cumprimento do presente convenio.

A Comisión de Seguimento estará integrada por unha Presidencia que recaerá na Presidenta do Ente Público Portos de Galicia ou persoa na que delegue, e por catro vocais, dous nomeados polo Concello de Ponteceso e outros dous polo Ente Público Portos de Galicia.

A este respecto, o nomeamento de portos de Galicia recae no Xefe de Zona Centro e no Xefe da Area de Infraestruturas, Medio Ambiente e Seguridade.

QUINTA. INEXISTENCIA DE RELACIÓN CONTRACTUAL

Este Convenio non supón asociación algúna ou dependencia entre o persoal dependente das partes asinantes, que actuarán de xeito absolutamente independente e autónomo, sendo obriga específica e exclusiva de cada una delas cumplir con cantas obrigas legais que como empregadores lle correspondan no desenvolvemento da súa actividade ao abeiro deste convenio. Deste xeito, a subscrpción do presente convenio non comportará relación laboral, contractual ou de calquera outro tipo entre as partes asinantes deste convenio e os profesionais e empresas que por conta das partes asinantes desenvolvan as actividades obxecto deste convenio; de tal xeito que non se lle poderá esixir responsabilidade algunha directa, indirecta ou subsidiariamente polos actos ou feitos acaecidos no desenvolvemento do mesmo.





SEXTA. RESPONSABILIDADE FRONTE A TERCEIROS

1.-Habida conta dos riscos que se podan derivar na utilización das instalación para o fin a que estean destinadas, será responsabilidade do Concello de Ponteceso responder dos danos que se deriven a terceiros polo cumprimento defectuoso das obrigas que asumen por medio deste convenio.

2.- A responsabilidade aquí establecida se establece nos termos do artigo 33 da Lei 40/2015, do 2 de outubro, de Réxime Xurídico do sector Público, e a competencia para instruir o expediente de reclamación patrimonial, corresponderalle a Portos de Galicia.

SETIMA. PUBLICIDADE

En canto á publicidade, procederase de conformidade co mandato da Lei 1/2016 do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios e de sancións da Xunta de Galicia.

Así mesmo, conforme a instrución cuarta a) da Circular nº1 1/2016 do 15 de febreiro de 2016, da Comisión interdepartamental de información e aclaración pola que se ditan instrucións en materia de convenios para a aplicación da Lei 1/2016 de 18 de xaneiro de 2016, de transparencia e bo goberno os asinantes do convenio manifestan o seu consentimento e autorización para que os datos persoais que contén no convenio e mailo resto de especificacións contidas no mesmo, podan ser publicados no Portal da Transparencia e Goberno Aberto.

En virtude co disposto no parágrafo anterior o Concello de Ponteceso e Portos de Galicia consenten expresamente a inclusión e publicidade no devandito rexistro do convenio.

OITAVA. -CAUSAS DE RESOLUCIÓN.

As dúbidas que se presenten na súa interpretación, en caso de discrepancias, serán resaltas, visto o informe da Comisión de Seguimiento, pola Presidencia de Portas de Galicia, poñendo fin á vía administrativa.

Serán causas de extinción do convenio:

- O non cumprimento do seu obxecto.
- A inviabilidade da realización das actuacións descritas neste convenio por causas non imputables ás partes.
- A denuncia por causas de interese público a instancia de calquera das partes.
- O transcurso do prazo de vixencia do convenio sen acordarse a prórroga do mesmo.
- O acordo unánime de todos os asinantes.
- O incumprimento das obrigacións e compromisos asumidos por parte dalgún dos asinantes.

A este efecto o incumprimento poderá ser de carácter total ou parcial de calquera das cláusulas do convenio. Entenderase por incumprimento parcial aquel que implica en maior ou menor grado a non consecución dos fins propios do convenio ou impidan de xeito directo ou indirecto as actuación previstas nel.





Neste caso, calquera das partes poderá notificar á parte incumpridora un requerimento para que cumpra nun determinado prazo coas obrigacións ou compromisos que se consideran incumpridos. Este requerimento será comunicado ao responsable do mecanismo de seguimento, vixilancia e control da execución do convenio e ás demais partes asinantes. Se transcorrido o prazo indicado no requerimento persistise o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio. A resolución do convenio por esta causa poderá levar a indemnización dos prexuízos causados, estes prexuízos taxaranse contraditorialmente polas partes.

- Por decisión xudicial declaratoria da nulidade do convenio.
- Por calquera outra causa distinta das anteriores prevista no convenio ou neutras leis.

Cada unha das situacións descritas por si soa é causa suficiente da resolución do convenio.

No caso de extinción anticipada, por algunha das causas anteriores, e respecto ás actuacións en curso, a liquidación deste convenio axustarase ó que segue:

Remataranse as accións e expedientes administrativos e xa iniciadas que aínda estean sen rematar.

Sen prexuízo do anterior, o convenio, de acordo co art. 51 da Lei 40/2015 extinguirase polo cumprimento das actuación que constitúen o seu obxecto ou por incorrer en causa de resolución.

NOVENA. NATUREZA E RÉXIME XURÍDICO

O presente convenio ten carácter administrativo e o desenvolvemento dos seus compromisos, obrigas e demais actuacións rexeranse polo establecido nas súas cláusulas, polas normas do artigo 57.5 da Lei 6/2017, do 12 de decembro, de portos de Galicia e demais normativa portuaria, pola Lei 40/2015, do 1 de outubro, de Régime xurídico do Sector Público e demais normas de dereito administrativo, e no seu defecto polas normas do ordenamento civil.

O convenio está excluído da Lei 9/2017, de 8 de novembro, de Contratos do Sector Público, sen prexuízo da aplicación dos principios e criterios desta Lei 6/2017 para resolver as dúvidas e lagoas que puideran presentarse, consonte o establecido no seu artigo 4.

O desenvolvemento dos seus compromisos, obrigas e demais actuacións contidas no presente convenio rexeranse polo establecido nas súas cláusulas.

Tales compromisos e obrigas teñen carácter executivo e exible por efecto directo do propio convenio, por canto as partes consideran que as obligacións establecidas neste, concretan obligacións de conservación, mantemento e de execución de obras concretas e determinadas sobre obras, redes e instalacións que se indican no propio convenio e por tanto, integran compromisos inmediatamente executivos e obligatorios para as partes.

DECIMA. VIXENCIA DO CONVENIO. -

O artigo 49. h) da Lei 40/2015, do 1 de outubro de Régime Xurídico do Sector Público, establece a duración máxima dos acordos en catro anos, agás que normativamente prevéxase un prazo superior. Este fundamento normativo, para o prazo superior deste acordo, está constituído polo artigo 57.5 da Lei sectorial 6/2017, do 12 de decembro, de Portos de Galicia, que ampara





este tipo de acordo de ocupación de dominio portuario autonómico, durante o tempo que sexa preciso. Neste caso dado o obxecto e finalidade do acordo e por tratarse de uso de zona portuaria por un órgano da Administración Local a duración do acordo será de 15 anos, tendo en conta os efectos no tempo das relacións xurídicas dimanantes do acordo. O acordo entrará en vigor o día seguinte ao da súa firma, estendendo a súa vixencia por un período de 15 anos, e poderá prorrogarse por acordo expreso das partes.

En todo caso, considerando un prazo necesario para que o Concello obteña a utilidade das inversións de acondicionamento da zona portuaria afectada, unha vez transcorridos dous anos, Portos de Galicia poderá desistir do convenio deixándoo sen efecto, cun preaviso de catro meses de antelación

No caso de extinción anticipada por causa de incumprimento dalgunha das partes, estarase ao previsto na cláusula oitava.

Esta vixencia se computará desde a data de sinatura pola última parte en realizala.

UNDÉCIMA.- MODIFICACION DO CONVENIO.

As modificacións formalizaranse mediante addenda a este convenio cos mesmos requisitos e condicións que para a aprobación do convenio.

O PRESIDENTE DO

ENTE PÚBLICO PORTOS DE GALICIA


O ALCALDE-PRESIDENTE


DO CONCELLO DE PONTECESO


José Antonio Álvarez Vidal

José Manuel Mato Martínez










PROXECTO DE RENOVACIÓN DO ALUMEADO PÚBLICO
EXTERIOR DO CONCELLO DE PONTECESO (2020-10)

| LENTA ALUMEADO | |
|----------------|--|
| ● | CONJUNTO LUMINARIA T5.1 + COLUMNA 3m |
| ■ | CONJUNTO LUMINARIA T5.2 + COLUMNA 3m |
| ○ | LUMINARIA T7.2 |
| ◆ | LUMINARIA T9. COLUMN + PROYECTORES |
| △ | LUMINARIA T14. PROYECTOR |
| ■ | CUADRO DE MANDO Y PROTECCIÓN |
| ● | ARQUETA PROYECTADA PREFABRICADA HORMIGÓN 40x40x60 |
| ▲ | TOMA DE TIERRA DE PICA 1,5m y Ø14mm |
| — | APERTURA DE ZANJA PROYECTADA CANALIZACIÓN 2 TUBOS PPP Ø125 |



AMBITO CONVENIO
ZONA DE SERVICIO DO PORTO
LIÑA DE DESLINDE DMPT

| | |
|--|---------------|
| ZONA CENTRO Avda. Portos de Galicia, 5 - 15006 A CORUÑA Tel. 981 182 626 - Fax: 981 182 625 http://www.portosgalicia.com | |
| ASUNTO: CONVENIO DE COLABORACIÓN ENTRE A EPE PORTOS DE GALICIA E O CONCELLO DE PONTECESO PARA A CONSERVACIÓN E MANTENIMENTO DAS OBRAS DE REMODELACIÓN DO PORTO DE CORME, ASI COMO DAS INSTALACIONES DE SERVIZIOS E ZONAS DE ESPARCIMENTO NO DOMINIO PÚBLICO PORTUARIO DE CORME | |
| NOME DO PLANO: CONVENIO_ALUMEADO | |
| CLAVE PORTO: | A-1 1/1.000 |
| ESCALAS: | A-3 1/2.000 |
| DATA: | 1 de 1 |
| Nº PLANO: | 12-55 |
| FOLLA: | 2023 01 de 01 |



DATOS CONCELLO DE PONTECESO

LENDAS ABASTECIMENTO

| |
|--------------------|
| TUBERIA EN FUN. |
| TUBERIA EN FIBRO. |
| TUBERIA EN PE. |
| TUBERIA EN PVC. |
| Tapón final |
| Válvula de corte |
| Válvula de ventosa |
| Válvula de desagüe |
| Boca de Riego |
| Hidrante |
| Filtro |
| Válvula de desagüe |
| Válvula Reductora |



ÁMBITO CONVENIO

ZONA DE SERVICIO DO PORTO

LIÑA DE DESLÍNDE DPMT



ZONA CENTRO
Avda. Portos de Galicia, 5 - 15006 A CORUÑA
Tel. 981 182 626 - Fax: 981 182 625
<http://www.portosgalicia.com>

| | |
|--------------|----------------------------|
| PORTO: | CORME |
| CONVENIO: | CONVENIO_ABASTECIMENTO |
| CLAVE PORTO: | 12-55 |
| ESCALAS: | A-1 1/1.000 A-3 1/2.000 |
| DATA: | 1 de 1 |
| FOLIA: | 01 de 01 |

ASUNTO: CONVENIO DE COLABORACIÓN ENTRE EPE PORTOS DE GALICIA E O CONCELLO DE

PONTECESO PARA A CONSERVACIÓN E MANTENIMENTO DAS OBRAS DE REMODELACIÓN DO PORTO DE CORME, ASI COMO DAS INSTALACIONES DE SERVIZOS E ZONAS DE ESPARECIMIENTO NO DOMINIO PÚBLICO PORTUARIO DE CORME